



Senin, 12 April 2021

Ogen: Jeremia 51:59-64



Surat Man Babel



Ndube tupung jaman surat melala curak turi-turinna. Adi kita ngaloken surat tentu si jadi ketedehen ateta eme isina eme berita si mehuli. Adi kin ndube masa erteman-teman denga kita maka kurang meter siakap mbuka surat e sebab e ngenca dalan nambari ate metedeh nandangi temanta. Lenga lit andriot bagi paksa genduari enda.

Adi kita mpeseh surat tentu pe riahen me siakap mpeseh si isina berita keriahen asangkan berita si peturah ceda ate, kebiaren entah nembah ate. Kune kita anak beru, isuruh naruhkan surat ceda ate labo bali penggejapennta sangan naruhkan surat erdemu bayu.

Suruh-suruhan Sedekia eme tergelar Seraya isuruh Jeremia mbaba surat ku Babil. Gelah surat enda iogeken man kalak Babil. Isi surat enda eme kerina cilaka si nandangi inanami Babil. Dibata enggo netapken keruntuhen kerajan e. Enggo bias kiniganjangen ukur Babil, si sedekah enda akapna ia Negara si erkuasa, hebaten asa Negara-negara isekelewetna. Kerina bangsa-bangsa rate mesui arah perbahanenna. Nina Dibata lit paksana kerigegheh ras dolat kerajan e, lit masana lanai ipehaga jelma si enterem. Adi si ukuri maka dahin enda labo mesunah, erkiteken banci peturah nembah ate nandangi ia si mbaba berita enda. Si inget sada peristiwa tupung Nabi Amos ernubuat ku Israel Utara, sementara ia kalak Israel Selatan. Emaka ipelawes kalak ia nina, kutandu ah lah kam ernubuat to.

Adi kita ngaloken surat genduari, kai ateta berita si ibegi kita? Adi ateta berita keriahen maka ogelah "surat cinta" Dibata eme Pustaka Si Badia. Adi terjeng berita FB, televisi, koran ngenca si oge melala ije hoaks, si erbanca kita bene janah deba peturah ateta ceda.